

孫真人備急千金要方卷之七十七 慈六

宋朝奉郎中太常少卿元稹撰孫德壽校正

備急方

被打及諸傷損第三論

論曰凡被打損血悶捨心氣絕不能言可擊開口屎中令下咽即醒又墮車落馬及車碾木打已死者以死人安著以手袖掩其口鼻眼上一食頃活眼開與熱小便二升

治被打擊頭眼青腫方

炙肥猪肉令熱揄上時侯方云治血更皮膚骨間不消飲者

又方牆上朽骨唾於石上研磨塗之乾即易

又方炙猪肝貼之

又方新殺羊肉乘熱封之

又方大豆黃為末水和塗之

治被打傷破腹中有瘀血方

蒲黃升 當歸一 桂心各二

右三味治下篩以酒服方寸匕日三夜一

又方

劉寄奴 延胡索 骨碎補各一

右三味以水二升煎取七合復內酒

及小便各一合熱温頓服

又方

麝香五 龜鱉各三 水蛭十

桃仁五 桂心二 大黃五

右六味以咀以酒水各五升煮取三升分

五服

又方生地黃汁三升酒一升半煮取二升七

合分三服時侯方治從高墮下瘀血

又方養管子為末傅瘡上

白馬蹄散治被打腹中瘀血并治婦人瘀血

化血為水方

白馬蹄燒令煙盡搏篩酒服方寸匕日

三夜一

治被毆擊損傷聚血腹滿煩悶方

豉一升以水三升煮三沸分再服不瘥

重作更取麻子煮如豉法不瘥更煮豉

上法

治有瘀血者其人喜忘不欲聞人聲胃中氣

塞短氣方

甘草一 茯苓二 杏仁五

右三味以咀以水二升煮取九合分二服

治從高墮下傷折疼痛煩燥啼不得卧方

取鼠屎燒末以猪膏和塗痛上即愈

之附侯方云

治從高墮下及為木石所逐或因落馬凡傷

損血瘀凝積氣絕欲死無不治之方

取淨土五升蒸令溜分半以故布數重

裹之以慰病上勿令大熱恐破肉冷則

易之取痛止即已凡有損傷皆以此法

治之神效已死不能言者亦活三十年

者亦瘥

治墮車馬間馬鞍及諸物隱體肉斷方

以酢和麩塗之

當歸散治落馬墮車諸傷腕折臂脚痛不止

方

當歸一 桂心一 蜀椒三

附子各二 澤蘭一 芎藭六

甘草五

右七味並熬令香治下篩酒服方寸匕日

三九是傷損皆服之十日愈小兒亦同

方云治墜馬車被打破腕折臂吐喚痛  
聲不絕服此散呼吸之間不復大痛十三  
相連

善著散治腕折方

黃耆 芍藥各三  
當歸

乾地黃 附子 續斷

桂心 乾薑 通草各二

大黃兩 蜀椒各一 烏頭兩

右十二味治下篩先食酒服五分匕日三

治折骨斷筋方

乾地黃 當歸 羌活

苦參各二

右四味治下篩酒服方寸匕日三

治腕折骨損痛不可忍者方

以大麻根及葉搗取汁飲一升無生麻

煮乾麻汁服亦主墜墮極打瘀血心腹

滿短氣

治被傷筋絕方

取蟹頭中腦及足中髓熬之內瘡中筋  
即續生

治腕折四肢骨碎及筋傷蹉跌方

生地黃不限多少熟搗用薄所損傷處

時後方云小品方爛搗熱之以菜傷處  
以竹片夾裏令偏轉令息勿令轉動一  
日可十易三日瘡若血聚  
在折處以刀子破去血

治四肢骨碎筋傷蹉跌方

以水二升漬鼓三升取汁服之

鹿角散治同前

右酒服方寸匕日三 附後方治從高墜下  
者瘀血

又方筋骨傷初破時以熱馬屎傳之無瘀

又方大豆二升水五升煮取二升以淳酒六  
七升合和豆汁服之一日盡如湯沃雪方云  
治墜逆筋血無  
大豆用大豆佳

又方

羊腦兩

髮灰

胡粉

胡桃脂各半

右四味搗和調如膏傅上生布裹

治頭破腦出中風口噤方

大豆一斗熬去腥勿使太熱搗為末熟  
蒸氣偏合甑下盆中以酒一斗淋之温

服一升覆取汗傳杏仁膏瘡上

紫湯治被傷風入四體角弓反張口噤不能  
言或產婦墮胎凡得此者大重不過五劑方  
第八

治丈夫從高墜下傷五臟微者唾血甚者吐  
血及金瘡傷經崩中皆主之方

阿膠 艾葉 乾薑各二

芍藥三

右四味以水八升煮取三升去滓內

膠令消分二服羸人分三服兼治女人產  
後崩傷下血過多虛喘腹中絞痛下血不  
止者服之悉愈

大膠艾湯治男子傷絕或從高墜下傷五臟  
微者唾血及金瘡傷經者方

阿膠 艾葉 甘草

當歸 芍藥 乾薑各一

右八味以水八升煮取三升去滓內

膠令烊分再服羸人分三服此湯治婦人  
產後崩傷下血過多虛喘欲死腹中激痛

下血不止者神良

竹皮湯治為兵杖所加水石所走血在胃背及脇中痛不得氣息方

青竹刮取茹亂髮各如雞子大二枚

右二味於炭火上炙令焦燥合搗下篩以

酒一升煮三沸上一服盡之三服愈

治墮馬落車及樹間崩血腹滿短氣方

大豆五升以水一斗煮取二升去豆一

服令盡劇者不過三作

治墮落車馬間心腹積血唾吐無數方

乾藕根為末以酒服方寸匕日三如無

取新藕汁服

桃仁湯治從高墮下落大木車馬間胃腹中有血不得氣息方

桃仁十四枚 大棗二十枚 大黃

硝石 甘草各一兩 蒲黃一兩

右六味以咀以水三升煮取一升絞去滓

適寒溫盡服之當下不止漬麻汁一杯

欲之即止

又方治腹中瘀血痛在腹中不出滿痛短氣

大小便不通

桃仁

大黃

桂心

右九味以咀以水一斗煮取三升分三服

又方治墮落瘀血方

桃仁五十枚 水蛭

甘草

硝石

右八味以咀以水八升煮取三升絞去滓

適寒溫服一升日三服深師方無硝石

又方

桃仁五十枚 蜜蠶

水蛭十枚 大黃五兩 桂心二兩

右六味以咀以酒水各五升合煎得三升

適寒溫飲一升日三服

又方治腕折瘀血方

桃仁四十枚 亂髮一握 大黃如指大一枚

右三味以布方廣四寸以繞亂髮燒之吹

咀大黃桃仁以酒三升煮取一升盡服血

盡出肘後云仲景方用大黃三兩餅厚子大者久用吐

早布方一尺交桃人四十九枚以童子小便

便重多少煎湯成內酒一大盞次下大黃

分三服為三服別到數行痛甚

立獲利及治水赤勿準即瘀血也

又方 桃仁六十枚 大黃六兩 桂心二兩

右三味以咀以酒六升煮取三升分三服

當下血瘕

蒲黃散治從高墮下有瘀血方

蒲黃八兩 附子一兩

右二味為末酒服方寸匕日三不知增之

以意消息

又方治腕折瘀血方

蒲黃一升 當歸二兩

右二味治下篩先食酒服方寸匕日三

又方

蜜蠶二十枚 牡丹一兩

右二味治下篩酒服方寸匕血化為水備急

方云治久當血在諸骨節

又方取養蘭草汁飲之亦可服

又方凡被打及產後惡血及一切血皆煮續骨木汁三升飲之

治從高墮下崩中方

當歸 大黃各二分

右二味治下篩酒服方寸匕日三

治杖瘡方

石灰斤七 新猪血升一

右二味和為丸熟燒之破更丸燒三遍止

為末傳上

又方釜月下土為細末以油和塗訖卧羊皮

上

又方服小便良

治竹木刺在皮中不出方

羊屎燥者燒作灰和猪脂塗刺上若不

出重塗乃言不覺刺出時一云用乾羊

屎末

又方蕃薇灰水服方寸匕日三服十日刺出

又方酸棗核燒末服之

又方鑿柄燒灰酒服二寸匕

又方頭垢塗之即出

治刺在肉中不出方

煮山瞿麥汁飲之日三瘥止

又方用牛膝根莖生者併搗以薄之即出瘡

已合猶出也

又方白茅根燒末以膏和塗之亦治瘡因風

致腫者

又方鹿角燒末以水和塗之立出久者不過

一夕

又方嚼白梅以塗之肘後方用烏梅

又方嚼豉塗之

又方温小便漬之

治久刺不出方

服王不留行即出兼取根為末貼之

治惡刺方

苦瓠開口內小兒尿煮兩三沸浸病上

又方良苣根火煮浸之冷復易神方也

又方李葉葉葉搗絞取汁點上即效

又方濃煮大豆汁漬取瘡

治惡刺并孤尿刺方

以烏父驢尿漬之

又方温白馬尿漬之

治因瘡腫痛劇者數日死或中風寒或中水

或中孤尿刺主之方

燒黍稷若牛馬屎若生桑條取得多煙

之物燒熏汁出愈

又方熱蠟內瘡中新瘡亦善

又方以鳧公英草摘取根莖白汁塗之惟多

塗為佳瘥止余以貞觀五年七月十五日夜

患痛不可忍經十日痛日深瘡日高大色如

熱小反色實開長若之論亦此治方試復為

尋得子復此大神效故就之蜀人名耳瘡菜

關中名奇乳

乳如菊切

治瘡中水腫方

白灰 胡粉 炭各等

右三味脂和塗瘡孔上水出則痛止

治手足卒中刺中水毒方

擣韭及藍青置上以火炙熱微即愈

治瘡因風致腫方

擣木根皮一斤濃煮內鹽一把漬之

治破傷風腫方

厚塗杏仁膏然麻燭逆灸之

治目瘡腫痛者皆中水及中風寒所作腫入腹則殺人方

溫桑灰汁漬冷復溫之當令熱神秘

治刺傷中風水方

服黑牛熱尿一服二升三服即止

又方蠟一兩熱炙慰薄裹上令水出愈

又方魚目燒灰傳之

又方熟煮韭搗之

又方刮箭羽下漆塗之

治瘡犯露腫方凡八月九月中刺手足犯惡毒腫殺人不可輕

生桑枝三枚內塘灰中推引令極熱斫斷正以枝頭挂瘡口上熱盡即易之盡

三枚則瘡自爛仍取莖白擣綿裹著熱

灰中使極熱去綿取莖白薄瘡上以布

帛急裹之若有腫者便作用莖白最佳

治漆瘡方

生柳葉三斤細切以水一斗五升煮取

七升適寒溫洗之日三肘後方云老柳皮尤妙

又方以磨石下滓泥塗之取瘡止大驗

又方濃煮鼠查葉以洗漆上亦可擣葉取汁

塗之

又方爛擣七姑草封之救急方云七姑草和磚碼塗之

又方貫衆為末以塗上乾以油和之即愈

又方蓮葉燥者一斤以水一斗煮取五升洗瘡上日再

又方羊乳汁塗之

又方磁硝五兩湯浸以洗之

又方取猪膏塗之

又方礬石著湯中令消洗之

又方宜取猪肉嚼糝穀塗之

孫真人備急千金要方卷之七十七

孫真人備急千金要方卷之七十八 瘡

宋朝奉郎守太常少卿光祿勳校理林德華校正

火瘡等病第四論方

論曰凡火燒損慎勿以冷水洗之火瘡得冷

熱氣更深轉入骨壞人筋骨難瘥初被火燒

急向火更炙雖大痛強忍之一食久即不痛

神驗治火燒悶絕不識人以新尿冷飲之及

冷水和蜜飲之口噤絞開與之然後以下方

治之

治火瘡方

梔子枚四十 白斂 黃芩各五兩

右三味吹咀以水五升油一升合煎令水

氣歇去滓待冷以淋之令溜去火熱毒則

肌得寬也作二日任意用膏傳湯散治之

又方熬油麻為末和梔子入塗之惟厚為佳

已成瘡者燒白糖灰粉之即燥立瘥

治火燒瘡方

死鼠頭一枚以臘月猪膏煎令消盡以

傳乾即傳之瘡不作癩神效亦治小兒

火瘡